

**Enes Hašić\***

**MEĐUNARODNI NAUČNI SKUP  
”NAJBOLJI INTERES DJETETA  
U ZAKONODAVSTVU I PRAKSI”**

**Mostar, 29. i 30. 11. 2013. godine  
/prikaz međunarodnog naučnog skupa/**

I ove godine Mostar je bio središte dvodnevne međunarodne naučne konferencije „Najbolji interes djeteta u zakonodavstvu i praksi“, koja se održala u petak 29.11. i subotu 30.11. 2013. godine, u saorganizaciji Pravnog fakulteta Univerziteta „Džemal Bijedić“ u Mostaru, Njemačke fondacije za međunarodnu pravnu saradnju/IRZ i Centra za društvena istraživanja Međunarodnog Univerziteta Burch u Sarajevu. Ovaj impozantni naučni skup sa međunarodnim obilježjem okupio je poznata imena iz oblasti porodičnog prava, tako da su prisutni imali priliku proširiti postojeća i steći nova znanja u ovoj oblasti. Skup je otvoren je u petak u kasnim popodnevним satima u sali hotela Bristol u Mostaru. Svečanom otvorenju skupa prisustvovali su predstavnici akademskog, naučnog, stručnog i političkog života u Bosni i Hercegovini.

Svečanost je otvorena pozdravnim govorom VD dekanese Pravnog fakulteta u Mostaru doc.dr. Anite Duraković. Nakon uvodnog govora, sve prisutne je pozdravio rektor Univerziteta „Džemal Bijedić“ u Mostaru prof.dr. Sead Pašić, te federalni ministar obrazovanja i nauke, gospodin Damir Mašić. Moderatorica skupa, uvažena prof.dr. Suzana Bubić prenijela je pozdrave gospođe Semire Smajić, predstavnice Njemačke fondacije za međunarodnu pravnu saradnju/IRZ, koja zbog objektivnih razloga nije bila u mogućnosti prisustvovati skupu. Na kraju uvodnih obraćanja skupu se obratio i mr.sc. Esad Oruč, direktor Centra za društvena istraživanja Međunarodnog Burch Univerziteta u Sarajevu.

Kako je i planirano, skup je održan u dvije sesije. U petak, 29.11. u 15.30 sati otvorena je prva sesija radnog dijela skupa kojom su predsjedavali: prof.dr. Suzana Bubić, prof.dr. Zoran Ponjavić i prof.dr. Nenad Hlača.

U okviru prve sesije priloženi su sljedeći referati:

- prof. dr. Suzana Bubić, „Standard najbolji interes djeteta i njegova primjena u kontekstu ostvarivanja roditeljskog staranja“

- prof. dr. Zoran Ponjavić i mr Veljko Vlašković, „Koncept najboljeg interesa deteta unutar Haške konvencije o građanskopravnim aspektima međunarodne

---

\* Prof.dr., Pravni fakultet Univerziteta u Zenici.

otmice dece“

- prof. dr. Nenad Hlača, „Prava djece na primjeru obrezivanja djece“

- prof. dr. Marija Draškić, „Prava deteta u jurisprudenciji Evropskog suda za ljudska prava“

- prof. dr. Enes Hašić, „Odnos normativnog i stvarnog u ostvarivanju najboljeg interesa djeteta u BiH,“

- prof. dr. Meliha Povlakić, „Uloga notara u uređenju ličnih odnosa, sa posebnim osvrtom na odnose roditelja i djece“

- doc. dr. Maja Čolaković, „Religijsko opredjeljenje roditelja vs. najbolji interes djeteta u ostvarenju njegovog prava na tjelesni integritet“

- doc. dr. Anita Duraković, „Uredba Brussels II a u svjetlu prakse Suda pravde EU“

- doc. dr. Darko Radić, „Najbolji interes djeteta u relaciji djeteta sa roditeljima“

- doc. dr. Željko Galić, „Pravo na saznanje podrijetla i najbolji interes djeteta“

- doc. dr. Boris Krešić, „Sporazum roditelja o visini doprinosa za izdržavanje djeteta u praksi Centra za soc. rad Tuzla“

- mr. sc. Džamna Duman, „Pravo na obrazovanje i najbolji interes djeteta“

Negdje oko 17.30 sati završena je prva sesija skupa nakon koje je uslijedila kraća kafe-pauza nakon koje je otvorena korisna diskusija u okviru koje su svoja iskustva iznijeli sudije, notari, ombudsmeni i službenici Centara za socijalni rad, te drugi uvaženi gosti koji su svojom aktivnošću upotpunili kvalitet skupa. Domaćini su se potrudili i za goste organizovali nezaboravnu večeru gdje su se razmijenila mnoga iskustva i stekla nova poznanstva koja će biti od općedruštvene koristi.

Narednog dana, u subotu, 30.11. održana je druga sesija kojom su predsjedavali: prof.dr. Enes Hašić, prof.dr. Udžejna Habul i doc.dr. Anita Duraković. U okviru ove sesije javnosti su bili prezentovani sljedeći referati:

- prof. dr. Dušica Palačković, „Istražno načelo u porodičnim sporovima kao izraz najboljeg interesa deteta“

- prof. dr. Udžejna Habul, „Primjena standarda ‘najbolji interes djeteta’ u starateljskoj zaštiti djece bez roditeljskog staranja“

- doc. dr. Alena Huseinbegović, „Izvršenje radi predaje djeteta“

- mr. sc. Viktorija Haubrich i Karolina Tadić Lesko, „Obiteljska medijacija pri Centru za socijalni rad“

- mr. sc. Dimitrije Čeranić, „Najbolji interes djeteta i posredovanje u bračnom

sporu“

- mr. sc. Ajdin Huseinspahić, „Usvojenje u službi zaštite najboljeg interesa djeteta“

- mr. sc. Asmira Bećiraj i Ajna Bakrač, „Najbolji interes djeteta u postupku zasnivanja usvojenja s međunarodnim obilježjem“

- mr. sc. Džemaludin Mutapčić, „Imovinski aspekt najboljeg interesa djeteta u zakonodavstvu i praksi“

- mr. sc. Borjana Miković, „Najbolji interes djeteta - obaveza i odgovornost nadležnih institucija“

- mr. Emina Hasanagić, „Najbolji interes djeteta i primjena međunarodnih standarda o zabrani dječjeg rada“

- mr. sc. Denis Pajić i asist. Sunčica Vejzović, „Princip najboljeg interesa djeteta u krivičnom zakonodavstvu Bosne i Hercegovine“

- mr. sc. Jasmin Branković, „Šerijatskoppravna zaštita maloljetnih lica bez roditeljskog staranja u Bosni i Hercegovini 1878 - 1946.“

Organizovanjem ovog međunarodnog skupa Pravni fakultet Univerziteta „Džemal Bijedić“ u Mostaru je zasigurno podigao svoju reputaciju i istaknuo svoju kandidaturu na polju razvoja i afirmacije pojedinih instituta porodičnog prava, kako u državi tako i šire. Članovi kolektiva ovog fakulteta su se pokazali kao odlični domaćini koji su na čelu sa organizacionim odborom skupa u stanju iznijeti organizaciju ovako velikih i zahtijevnih skupova, na čemu im Pravni fakultet Univerziteta u Zenici odaje priznanje.